

# ΘÑATÍKE HÍKA

## poltsikaran

INGO  
XONAU?



BAI, INGO  
XUAU!



# SARRERIA

## "Ingo Xonau!" proiektua

"Ingo xonau!" proiektua Oñatin emakumien hika jaso eta berreskuraketako sortu zan. Izan be, andrazkuen hika galtzeko arriskuan dago gure herrixan: gaur egun hiztun gaztienak 50 urte ingurukuak dira. Ezer egitten ezpadogu, urte gutxian desagertuko da. Gizezkuen hikaren egoeria hobia da, baiña ezta itxafleruak botateko modukua be. Danok dakogu zer ikasixa, geure-geuria dan hizkera eder horri eusteko. Liburuxka honen helburua herritar guztioi hikaren bi aldaerak ikasteko tresna bat eskainketia da: informaziño orokorra eta adizki nagusixak. Ikasketa on!

## Gainbeheriaren arrazoi nagusixak

- 1-Euskeriaren desprestigiu, erderiaren aurrian (gerraosteko urtietan euskeria zapalduta, eta erderarako joera haundiha).
- 2-Baserritarren hizkuntzatzat hartzeia, eta baserrittarrak gutxiestia.
- 3-Hizkera takarra eta errespetu gutxikua zala pentsaitia: ez fiña.
- 4-Errejistruaren beraren mugak: hika ezin xako edozeiñeri egin.

Etxe askotan etena egon da hikaren transmisiñuan (kaleko etxietan basarrittan baiño dezentetan lehenago). Pentsaiten ebein etzala aproposa.



## Mutillak zergatik manteni daue eta nesak ez?

1-Neskak hika egittia oso gaizki ikusitta egon da. Emakumiak fiña eta esanekua izan bihar eben. Mutillak askatasun gehixago euki dau betik.

2-Hika mutillen kontu moduan ikusi da, eta guraso batzuek -beste askok ez- semiakin hika egitten jarraitu daue; alabakin, berriz, ez.

3-Etxian hika jaso eztauen mutil askok kalian ikasi daue, sozializaziño-eremuetan (gaur egun be hola da): tabernetan, soziedadetan, futbolian, ehiza-lagunakin, kuadrillakuakin...

4-Emakumiak puntura arte eztau euki mutillen moduko sozializaziño-eremurik. Hika eremu intimora mugatu da.

## Ikuspegia aldaketia: eskerrak!


Hikaren gaiñeko ikuspegi xaka aldatu egin da. Orain baloraziñua positibua da: eztogu desprestigiarekin lotzen. Gazte askondako "guay" da, identitate-marka bat. Mutillen artian modan dago. Nesken artian... oraindik ez.



## HIKA: LAGUNARTEKO TRATAMENDUA

### Hiru tratamendu edo erregistro ebali dira Oñatin:

- 1-Berorika, galdua daguena: errespetuzkua (abariari, medikuari, etxe batzuetan gurasuairi eta aittajun-amandriaire...).
- 2-Zuka, gehixen ebalten dana: egoera danetarako balixo dau.
- 3-Hika: lagunartekua, informala (Oñatin "hittato" be esaten xako).



### Zer emuten dau hikak?

Bizittasuna, aberastasuna, konfiantzia, konplizidadia, hurreko sentitza, identitate-marka bat, lotura bat zuztarrakin, bardinttasunaren aldeko keiñu bat, gure hizkuntziaren ezagupidia, komunikaitzeko beste baliabide bat...

### Genero-markia, hikaren berezittasuna

Hittatoz edo hika gabiltzenian, mutillari ala neskiari zuzendu, aditz-formia ezta bardiña:

"**Ingo xonau?**" (Egingo xonagu) > emakumezkuari ('noka' esaten xae batuan)

"**Ingo xuau?**" (Egingo xuagu) > gizonezkuari ('toka' esaten xae)

Bardin da berbetan dabillena mutilla ala neskia dan. **Zeiñeri zuzendu**, hori da importa dauena: horrek baldintzatuko dau aditz-formia. Horri 'alokutibua' be esaten xako (alokutibua: zurekin berbetan daguena zein dan, aditzari marka bat edo bestia jartia).



### Biren arteko tratua

Hika egittia biren arteko tratua da. Eztakogu mundu guztiarekin hika egin biharrik. Eta gizonezko edo emakumezko sentitten eztiranak be errespetaitzia komeni da.

# ERABILLERA-OHITTURAK

## Zeiñekin bai eta zeiñekin ez?

Zeiñeri egin geinkixo hika? Edozeiñeri etxako hika berba egin izan: bardiñen artian eta konfiantza-giruan bakarrik ebali izan da. Hori bai, gaurko egunian, gero eta salbuespen gehixago egitten dira. Hikaren biziraupenerako, tradiziñua aldatuaz doia.

Baiña komeni da jakittia tradiziñuak markautako erabillera-ohitturak zeintzuk izan diran:

## EZ

1-Gurasuairi eta askoz nagusixaguak diranairi ez (orain badagoz, ikasteko, gurasuari hika egitten dosten seme-alabak).

2-Ezezagunairi normalian ez (mutillen artian nahiko zabalduta dago).

3-Giro oso formaletan ez eta "estatus sozial" haundixagua dakoiñairi be ez. Adibidez, alkatari, medikuari, abariari... (hau be gero eta gutxiago beteten da).

4-Umiairi bai, baiña oso txikiñairi ez: koskortu artian ez.

5-Senar-emaztiak euren artian ez: ezkondu aurretik bai, baiña ostian ez (badagoz hika egitten daueiñak be).

6-Komunikabidietan, hitzaldietan, jente aurrian... normalian ez.



## BAI

1-Gurasuak eta nagusixak seme-alabairi eta gaztiairi bai.

2-Anai-arreben artian bai.

3-Adinkidien artian eta gaztiaguairi bai, konfiantza apur bat baldin badago.

4-Lagunen artian bai, edade diferentzia egon arren (adibidez, lankidien artian).

5-Animalixairi bai (normalian toka).

6-Norbere buruari bai (1. personan danian normalian toka, emakumia izan arren: "Zoraketan ete ñabik?"; 2. personan danian, noka/toka: "Ze pentsaitten don/k, ba, hik?").

7-Hikalagunari bai (hau barrixa da, baiña ohitturia bihurtuko dogu!).

## Gaur egungo erabillera okerrak:

-Neskairi mutillairi moduan egittia hika: "Ze xauk, ba?"

-Zu eta hi, bixak batera ebaltia. "Ze habil? Burutik sano zauz?"

-Hikako formak eztagokixonian ebaltia.

Adibidez, menpeko esaldietan:  
"xaukena xauk" famosua.

HÍ, NÍ NESKÍA NAUK, E! HÍKA  
NESKÁIRI MODUAN ÍÑ BIHAR  
DOSTAK!



# ADITZ GUZTI-GUZTIAK HIKA?

## ZU-ren ordez, beti HI

Hika gabiltzenian, bigarren personia ezta ZU, HI da:

Zu etorri zara > Hi etorri **haiz**

HI personiarekin, hikako aditz-formak ebaliko dittugu betik, baitta menpeko esaldietan be:


Mendira fan ez **haizelako** damututa **hago**

1. eta 3. personetako adizkixak be hikako formetan esaten dira:

NI  
HA  
GU  
HAREIK

Gaur berandu jaiki **naun/k**  
Mikel be etorriko **don/k**  
Egingo **xonagu/xuagu?**  
Mutil hareik guri begira **xabitzan/k**

ZUEK betik da ZUEK. 2. personako pluralian eziñezkua da aditzak hika ifintzia.



## Menpeko esaldietan, HI danian bakarrik

Bi esaldi alkarketan diranian, bat menpekua izaten da eta bestia nagusixa. Hika gabiltzenian, esaldi nagusiko aditza hikako forman ebaliko dogu betik (ZUEK ezpada). Menpeko esaldiko aditza, barriz, HI danian bakarrik ebalten da hikako forman.

NI Jaikitten **naunarian/naukenian**, tremendako gosia eukitten **xonat/xuat**  
Jaikitten **naizenian**, tremendako gosia eukitten **xonat/xuat**

NIK **Etxakiñat/etxakixat** zer egin bihar **xonaten/xuaten**  
**Etxakiñat/etxakixat** zer egin bihar **doten**

HA Gosia **xakonalako/xakokelako** etorri **don/k** hain aguro  
Gosia **dakolako** etorri **don/k** hain aguro

GU Zoratuta **gatzanala/gatzakela** esan **xostan/k!**  
Zoratuta **gauzela** esan **xostan/k!**

Gehixenetan samurra da jakittia aditza menpekua dan ala ez, akaberan markaren bat eukitten dauelako (-ELA, -ELAKO, -ENIAN, -ETIK, -N...), baiña ez betik.

HAREK Maddik egin **xonan/xuan** lanaren ordainha jasoteko **xakon/k** onddiok.  
Maddik egin **eben** lanaren ordainha jasoteko **xakon/k** onddiok.

## Baldintzetan, galderetan eta agindduetan bai

Herri batzuetan baldintzazko aditz-formetan ezta hikako formarik ebalten, baiña oñatieraz bai. Eztakigu betik hola izan dan ala ez, baiña gaur egun edadeko personak be hola ebalten daue:

BALDINTZIA

Etorten **badon/badok**, ondo pasauko **xon/xok**

Iguala pasaitten da galderetan, harridurazko esaldixetan eta agindduetan: leku batzuetan eztaue hikako formarik ebalten. Oñatin normalian bai:

GALDERIA

HARRIDURIA

AGINDDUA

Ze esan **xon/xok?** Etorriko **don/dok** afaittera?

Horreik mozolo haundi batzuk **dittun/dittuk!**

Hi, **guazan/guazak** etxera (Araotzen goazenan/k)



## Genero-marka bariko aditzak

Badagoz hikako forma batzuk mutillandako eta neskandako bardiñak diranak: haiz, habil, haut, hator, hoia, hago... genero-marka bariko aditzak dira. Bixendako balixo daue.



Hika gabitzela beste aditzetan neska/mutil bereizketia egiten danez, batzuek neskairi zuzendutakuan aditz honaik be markau egiten dittue. Emakumiari zuzendutako markia (-na-) jarten doste, genero-markia falta dalakuan:

Maitte **haut**, Amaia  
Maitte **haunat**, Amaia

## ADITZ-TAULAK: IRIZPIDIAK

### Aditz nagusixak

Gehixen ebalten diran aditzak batu dittugu liburuxka honetan, ez danak. ZUEK personiarekin lotutako formak be ez dittugu sartu, ezin diralako hika esan. ZU, barriz, HI bihurketan da.

### Araozko hika vs beste auzotakuak

Araozt aldeko hika eta Oñatiko beste auzo batuetakua ezta bardin-bardiña. Aditz batzuk bardin esaten dira, baiña beste batzuk ez. Kasu batuetan aldia txikiña da: baxatozak > baxatozek. Beste batuetan, haundixagua: gekiñan > gekixenan (A), zaozak > xazek (A)...

Auzo batetik bestera be aldaketak dagoz. Auzo bakar baten be ohikuak dira o/u aldaerak: zunan-zonan, xaok-xauk... . Aditz batzuk 3-4 modu desbardiñetan jaso dittugu, eta ezin, ba, tauletan danak ifiñi!



### Hauxe izan da irizpidia:

"Oñatiko" aditz-formia emutia, eta Araozko formak onduan ifintzia, parentesi artian, differentiak diranian (bokal bat bakarrik aldaketan danian ez: a/e, o/u, o/i).

### Esan eta idatzi, diferente

Aditz-taula honein helburua ahozko erabilleria da. Horregatik, idatzizkotik ahozkora asko aldaketan diran formak ahoz esaten diran moduan datozen tauletan: adibidez, ñagon > ñaun, gagoz > gauz, xagok > xauk...

Berba egitterazkuhan jaten dittugun konsonantiak eta silabak, barriz, parentesi artian ifiñi dittugu: di(r)a, xona(g)u, (di)ttun, (zi)txuan...

Hala be, kontuan euki bihar dogu berbak alkarketaruzkuhan letra gehixago be jaten dittugula, eta hori eztago aditz-taulan jarterik.

Adibidez:

Emungo donat/dostat > **emungonat/emungostat**

Egin egik > **iñik**

Egingo xonagu > **ingo xonau**

Ez + xaguan > **etxauan**

Ez + xakiñat > **etxakiñat**



# NOR

## Oraiñaldixa

Naiz > na(u)n / na(u)k  
Za(r)a > haiz  
Da > don / dok  
Ga(r)a > gaittun / gaittuk  
Di(r)a > (di)ttun / (di)ttuk

EDERKI ASPERTU  
NITZONAN  
AURREKUAN  
ZINIAN!  
  
BESTE GAUZA  
BATZUTAN  
PENTSAITEN  
EGONGO HITZANAN  
TA!



## Lehenaldixa

Ni(n)tzan > ni(n)tzonan / ni(n)tzuan  
Ziñan-Zintzan > hi(n)tzanan / hi(n)tzan  
Zan > zonan / zuan  
Giñan-Gi(n)tzan > gi(n)tzonan / gi(n)tzuan  
Zi(r)an > zittunan (ziuzanan\*) / zittuan (ziuzan\*)

\* Araotzen

# NOR-NORI (NOR: Ha/Hareik bardin)

## Oraiñaldixa

Xat > xatan / xatak  
Xatzu > xan / xak  
Xako > xakon / xakok  
Xaku > xakun / xakuk  
Xate (**xakoi\***) > xaten / xatek

## Lehenaldixa

Xaten > xatanan / xatan  
Xatzun > xanan / xaken  
Xakon > xakonan / xakuan  
Xakun > xakunan / xakuan  
Xate(i)n (**xakoin\***) > xatenan / xatian

\* nahiko zabalduta dagoen forma okerra

ETORRI XAN  
HILLEROKO  
BISITTIA?



ETORRI XATAN, BAI!



# NOR-NORK

## Oraiñaldixa

### NI

Na(i)zu > naun / nauk  
Nau > naixon / naixok  
Naue > naixonai / naixuai

### HI

Zaut > haut  
Zau > hau  
Zau(gu) > hau(gu)  
Zuae > haue

### HA

Dot > xonat / xuat  
Dozu > don / dok  
Dau > xon / xok  
Do(g)u > xona(g)u / xua(g)u  
Daue > xonai / xuai

### GU

Gaizu > gaun / gauk  
Gau > gaixon / gaixok  
Gaue > gaixonai / gaixuai

### HAREIK

(Di)ttut > (di)txunat / (di)txuat  
(Di)ttuzu > (d)ittun / (di)ttuk  
(Di)ttu > (di)txun / (di)txuk  
(Di)ttugu > (di)txunau / (di)txuau  
(Di)ttue > (di)txunai / (di)txuai

## Lehenaldixa

Nindduzun > nindduan / nindduan  
Nindduen > nindduan / nindduan  
Nindduein > nindduain / nindduain

Zindduten (*notsun\**) > hinddu(d)anan / hinddu(d)an  
Zindduan > hindduan / hindduan  
Zinddugun > hinddugun / hinddugun  
Zindduein > hindduain / hindduein

Neben > ñonan-nixonan / ñuan-nixuan  
Zeben > honan/hian  
Eben > xonan / xuan  
Geben > giñonan-gixonan / giñuan-gixuan  
Euen (ebein) > xonain / xuain

Gindduzun > gindduan / gindduan  
Gindduen > gaixunan (gindduan\*) / gaixuan (gindduan\*)  
Gindduein > gaixunain (gindduain\*) /  
gaixuain (gindduain\*)

Nittuan > nitxunan / nitxuan  
Zittuen > hittunan / hittuan  
Zittuan > (zi)txunan / (zi)txuan  
Gittuan > gitxunan / gitxuan  
Zittuain > (zi)txunain / (zi)txuin



\* Araotzen \* nahiko zabalduta dagoen forma okerra

# NOR-NORI-NORK (NOR: Ha/Hareik bardin)

## NIK Oraiñaldixa

Dotsut > donat / dostat

Xat > txanat / txat

Dostet (*xatei\**) > xostenat / xostiat

## HIK

Dostazu > doston / dostak

Xatzu > xan / xak

Doskuzu > doskun / doskuk

Dostezu > dosten / dostek

## HAREK

Dost > xostan / xostak

Dotsu > don / dosk

Xau > txan / txak

Dosku > xoskun / xoskuk

Doste > xosten / xostek

## GUKEK

Dotsu(gu) > donau / dostaue

Xau > txanau / txau(gu)

Doste > xostenau / xostiau

## HAREIK

Dostai > xostanai / xostai

Dotsue > donai / dostaie

Xaue > txanai / txai

Doskue > xoskunai / xoskuai

Doste > xostenai / xostiae

## Lehenaldixa

Notsun > nonan, nostanan (*nistanan\**) /  
nostan, nostaten (*nistan\**)

Notsan > nitxanan / nitxan

Nosten (*xatein\**) > ñostenan / ñostian

Nostazun > hostanan / hostan

Zotsan > hitxanan (*hotzanan\**) / hitxan (*hotzan\**)

Zoskun (*oskuzun\**) > hoskunan / hoskun

Zosten (*ostezen\**) > hoste(na)n / hostian

Nostan > xostanan / xostan

Otsun > onan / ostan

Otsan > txanan / txan

Oskun > xoskunan / xoskuan

Osten > xostenan / xostian

Gotsun > gonan-onagun (*gistanan\**) /  
gostan-ostagun (*gistan\**)

Gotsan > gitxanan / gitxan

Gosten > g(iñ)ostenan / g(iñ)ostian

Nostain > xostanain / xostain

Otsuen > onain / ostain

Otsain > txanain / txain

Oskuein > xoskunain / xoskuain

Ostein > xostenain / xostein



MIKELEK EMUN ONAN  
NOTIZIA, EZTON?

BAI, EGUNDOKO  
SUSTUA EMUN  
XOSTANAN!



## EUKI

### Oraiñaldixa

Dakot > xakonat / xakuat  
Dako(t)zu > dakon / dakok  
Dako > xakon / xakok  
Dak(og)u > xakona(g)u / xakua(g)u  
Dakoi > xakonai / xakuai

### Lehenaldixa

Neukan > ñakonan / ñakuan  
Zeukan > heukanan / heukan  
Eukan > xakonan / xakuan  
Geukan > giñakonan / giñakuan  
Eukain > xakonain / xakuain



## ETORRI

### Oraiñaldixa

Nator > ñaton / ñatok  
Zatoz > hator  
Dator > xaton / xatok  
Gatoz > gatozan / gatozak  
Datoz > xatozan / xatozak

### Lehenaldixa

Netorren > ñatonan / ñatorran  
Zetozan > hatorranan / hatorren  
Etorren > xetonan / xetorran  
Getozan > getozanan / getozañ  
Etozen > xetozanan / xetozan



# IBILLI

## Oraiñaldixa

Nabil > ñabiñ / ñabik  
Zabi(l)tz > habil  
Dabil > xabiñ / xabik  
Gabi(l)tz > gabi(l)tzan / gabí(l)tzak  
Dabi(l)tz > xabi(l)tzan / xabi(l)tzak

## Lehenaldixa

Nebillen > ñabiñan / ñabillan  
Zebiltzen > hebiñan / hebillan  
Ebillen > xabiñan / xabillan  
Gebi(l)tzen > gebiltzanan / gebiltzan  
Ebi(l)tzen > xabiltzanan / xabiltzan



# EGON

## Oraiñaldixa

Nau > ñaun / ñauk  
Zauz > hau  
Dau > xaun / xauk  
Gauz > gaozan (gazen\*) / gaozak (gazek\*)  
Dauz > xaozan (xazen\*) / xaozak (xazek\*)

## Lehenaldixa

Neuen > ña(g)onan (ningunan\*) / ña(g)uan  
Zeuzen > he(ng)onan / he(ng)uen  
E(g)uen > xa(g)onan / xa(g)uan  
Geo(nt)zen > geo(nt)zanan / geontzan  
Euzen > xauzanan / xauzan (xeuzian\*)

\* Araotzen



# FAN

## Oraiñaldixa

Noia > ñoian (noixien) / ñoiak (noixiek)  
Zoiaz > hoia  
Doia > xoian / xoiak  
Goiaz > goia(t)zan / goia(t)zak  
Doiaz > xoia(t)zan / xoiat(t)zak

## Lehenaldixa

Noian > noianan / ñoian  
Zoazen > hoia(na)n / hoian  
Oian > xoianan / xoian  
Goiazen > goiazanan / goiazan  
Oiazen > oiazanan / oiazan



# JAKIN

## Oraiñaldixa

Dakitt > xakiñat / xakixat  
Daki(t)zu > dakiñ / dakik  
Daki > xakiñ / xakik  
Dakigu > xakiñau / xakixau  
Dakixe > xakiñai / xakixai

## Lehenaldixa

Nekixin > ñakiñan / ñakixan  
Zekixin > hekiñan / hekixan  
Ekixin > xakiñan / xakixan  
Gekixin > ge(ñe)kiñan (gekixenan\*) / ge(ñe)kixan  
Ekixein > xakiñain / xakixain



\* Araotzen

## EBALI (ERABILI)

### Oraiñaldixa

Dabitt > xabiñat / xabillat  
Dabi(t)zu > dabiñ / dabik  
Da(ra)bil > xabiñ / xabik  
Dabigu > xabiña(g)u / xabilla(g)u  
Dabixe > xabiñai / xabillai

### Lehenaldixa

Nebillan > ñabiñan / ñabillan  
Zebillan > hebiñan / hebillan  
Ebillen > xabiñan / xabillan  
Gebillan > gebiñaan / gebillaan  
Ebillein > xabiñain / xabillain



## BESTE ADITZ BATZUK

## BALDINTZA eta ONDORIXUA

### NOR

#### Baldintzia

Banitz(a) > banintzun / banintzuk  
Baziña-bazi(n)tza > bahintz(a)  
Balitz(a) > balitzun / balitzuk  
Bagiña-bagi(n)tza > bagintzun(an) / bagintzuk  
Balira > balittuzan / balittuzak

#### Ondorixua

Ni(n)tzake > ni(n)tzukan / ni(n)tzukek  
Ziñake-zintzake > hi(n)tzake  
Litzake > litzukan / litzukek  
Giñake-gintzake > gintzukan(an) / gintzukek  
Li(r)ake > littukan/ littukek



# AHALERIA

## NOR eta NOR-NORK (NOR: Ha/Hareik bardin)

### Oraiñaldixa/ hipotetikua

Ne(i)ke > ñe(i)ken / ñe(i)kek  
Ze(i)ke > he(i)ke  
Le(i)ke > lle(i)ken / lle(i)kek  
Ge(i)ke > ge(i)ken / ge(i)kek  
Le(i)kiei > lle(i)kienai / lle(i)kiei

GUSTORA  
EGINGO ŅEKEN  
BIAJE HORI!



ÍÑ HEIKE, GURA  
BADOK!

# AGINDDUERIA

## NOR

Hi zintza izan ha(d)i

## NOR-NORK (NOR: Ha/Hareik bardin)

Hik ni etxera eruan na(g)iñ / na(g)ik  
Hik ha etxera eruan e(g)iñ / e(g)ik  
Hik gu etxera eruan ga(g)izan / ga(g)izak  
Hik hareik etxera eruan e(g)iñ / e(g)ik

## NOR-NORI-NORK (NOR: sing/pl. bardin)

Hik neri ogixa/k emun e(g)idan / e(g)idak  
Hik hari ogixa/k emun e(g)ixon / e(g)ixok  
Hik guri ogixa/k emun e(g)igun / e(g)iguk  
Hik hareiri ogixa/k emun e(g)ixen / e(g)ixek

ÍÑIDAN KASO, ETA  
EGON HAI İXİLİK  
PUSKA BATIAN!



# AURKIBIDIA

## SARRERIA

Ingo Xonau! proiektua .....	2
Gainbeheriaren arrazoi nagusixak .....	2
Mutillak zergatik mantenu daue eta neskak ez? .....	3
Ikuspegi aldaketia: eskerrak! .....	3

## HIKA: LAGUNARTEKO TRATAMENDUA

Hiru tratamendu edo erregistro ebalí dira Oñatin .....	4
Zer emuten dau hikak? .....	4
Genero-markia: hikaren berezitasuna .....	5
Biren arteko tratua .....	5

## ERABILLERA-OHITTURAK

Zeiñekin bai eta zeiñekin ez? .....	6
Gaur egungo erabillera okerrak .....	7

## ADITZ GUZTI-GUZTIAK HIK?

ZU-ren ordez betik HI .....	8
Menpeko esaldietan, HI dianian bakarrik .....	9
Baldintzetan, galderetan eta agindduetan bai .....	10
Genero-marka bariko aditzak .....	11

## ADITZ-TAULAK:IRIZPIDIAK

Aditz nagusixak .....	12
Araozko hika vs beste auzotakuak .....	12
Esan eta idatzi diferente .....	13

## Aditz-laguntzailliak

NOR .....	14
NOR-NORI .....	15
NOR-NORK .....	16
NOR-NORI-NORK .....	18

## Aditz trinkuak

EUKI .....	20
ETORRI .....	21
IBILLI .....	22
EGON .....	23
FAN .....	24
JAKIN .....	25
EBALI .....	26

## Beste aditz batzuk

Baldintzia-ondorixa .....	27
Ahaleria .....	28
Aginddueria .....	29

**Testua:** Idoia Etxeberria

**Diseinua eta ilustrazioak:** Mirari Sagarzazu

**Aholkularitza:** Roberto Altuna

**Egilea:** Badihardugu Euskara Elkartea



BIDEUAK IKUSTEKO,  
SARTU HAI  
WEBGUNIAN!



SARTUKO NAUN,  
BAI!

<https://ahotsak.eus/proiektuak/onatiko-noka-ingo-xonau/>



INGO  
XONAU!

